



8212-
- 8216


Augustianie


Lat 1010





AUG. 8212-
- 8216





IN NOMINE DOMINI, *Amen.*

CONCLUSIONES
THEOLOGICÆ

De
INDULGENTIIS.

Juxta
Mentem S. THOMÆ AQUINATIS Angelici
Ecclesiæ Doctoris *ex Suppl. QQ. 25. 26. & 27.*

DEPROMPTÆ.

& per

M. STANISLAUM PATELSKI,

Sacræ Theologiæ Professore, Collegam Majorem, Ecclesiæ
Collegiatæ S. FLORIANI Canonicum, Parochialis ad S. STE-
PHANUM Præpositum, Seminarii Vice-Præfectum

Propugnante easdem

M. MATHIA TYLKOWSKI, Philosophiæ Doctore & Professore,
Seminarii Academico-Diœcesani Procuratore, Præbendario in *Szczepanow.*

Disputationi publicæ
Infra Octavas S. CANTII

Annò Domini 1775. Mense Octobri

EXPOSITÆ.

HONORI & GLORIÆ
MIRABILIS in SANCTIS
&
SANCTI in omnibus operibus suis
D E I
Ter Optimi Maximi.
CULTUI & VENERATIONI
SANCTI JOANNIS CANTII

SS. Theologiæ Doctoris & Professoris, Patroni
Regni Poloniae & M. D. Lithvaniae,
Almæ Universitatis Cracoviensis Patriarchæ.

Cujus Vita gloriosa

In Oppido Kenty Ducatûs Zathorienfis & Ofvecimenfis
Annô MCCCXCVII.

Ad multorum exemplum effulsit,

Mors verò pretiosa in conspectu Domini,
Cracoviæ Annô MCCCCLXXIII,

Ad plurimorum patrociniū apparuit.

Cujus Imagines publicæ venerationi exponi

Et Anniversariam Obituâ Diem solemniorē reddi,
Missæ de SSS. TRINITATE celebratione.

Annô MDC. Ssmus D. CLEMENS VIII. permittit.

Cujus Cultum immemorabilem

SSmus D. INNOCENTIUS XI. An. MDCLXVI.
approbavit.

Annô

Aug. 8214

Annò autem MDCLXXX. Officiam sub Ritu duplici
& Missam de Communi Confessoris non Pontif.
in die felicitis Obitus celebrandam
assignavit.

Annò deniq; MDCLXXXI. Festivitati Annua
Dominicam IVtam Octobris determinavit.

Quem Ssmus CLEMENS ejus Nominis XII. An: MDCCXXXVII.
ad Infantiam Sereniss. AUGUSTI III. Poloniarum Regis,
totiusq; Reipublicæ Polonæ, Principalem Regni, ac
M. D. Lithvaniæ PATRONUM declaravit.

Quem tandem Ssmus CLEMENS XIII. Pontifex Maximus
intercedente Serenissimo STANISLAO AUGUSTO REGE,
necnon Senatorio & Equestri Ordine

Annò MDCCCLXVII. Die XVI. Mensis Julii
Sanctorum Catalogo inscripsit.

Recurrente autem Die Anniversaria, Annò MDCCCLXXV.

Actus Solemnis Canonizationis per Octavam

In hac Metropoli Urbe Cracovia
in frequentissimo Populi devoti confluxu
CELEBRATUS.

Hinc

Sancto Sanctorum

DEO T.O.M.

Cultus Patriæ in æternum.

* Indulgentiarum etiam potestatem à CHRISTO in Ecclesia reli-
giam fuisse; illarumque usum Christiano populo maximè salutarem esse,
affirmo. Ex Professione Fidei.

Nomine *Indulgentiæ* quæ conceditur tempore Jubi-
læi, & aliis temporibus, ex communi usu, & acceptio-
ne Ecclesiæ, non significari quamcunq; remissionem, aut
relaxationem peccatorum, sed relaxationem duntaxat pœnæ
temporalis debitæ peccatis dimissis, per modum absolutio-
nis habentis annexam solutionem de Thesauro Ecclesiæ.
Unde sic definitur: *Indulgentia est remissio pœnæ temporalis
debitæ peccato actuali remisso quò ad culpam & pœnam æter-
nam, facta extra Sacramentum ab eo, qui jurisdictionem spi-
ritualem habet, dispensandi Thesaurum Ecclesiæ.* Dicitur
pœna temporalis, quia remissâ culpâ & pœnâ æterna per
Sacramentum Pœnitentiæ, seu perfectam contritionem,
sæpe remanet pœna temporalis in hac, vel in altera vita
luenda, ut ex professo docetur contra Hæreticos in Tract:
de Pœnitent. Et hujus pœnæ remissio dicitur Indulgentia.
Dicitur, *peccato actuali remisso debitæ*: quia omnis pœna
peccato Originali debita, per Baptismum remittitur.

Dicitur *Facta extra Sacramentum*; ut distinguatur à
remissione Sacramentali, quæ est magis liberalis, quia pro
satisfactione levi, culpa & pœna æterna remittuntur. *Indul-
gentia* verò est quædam solutio debiti ex Bonis communi-
bus Ecclesiæ; non secus ac si pro debitore mille Florenorū,
Prætor solveret parem summam ex Arario publico.

Dicitur *Facta ex Thesauro Ecclesiæ*. Est autem iste The-
saurus valor satisfactorius bonorum operum Christi & San-
ctorum, qui non fuit eis necessarius pro expiatione pro-
priorum peccatorum, permanens in acceptione Dei ad
utilitatem Corporis Ecclesiæ, cujus Christus est Caput,
Sancti & omnes Fideles membra, & qui proinde applicari
potest ejusdem corporis membris quæ indigent.

Dicitur *ab eo qui jurisdictionem* Eccl. S. Th. in Suppl. q. 26. a. 3.
*Potestas faciendi Indulgentias architectonicè residet in Papa, qui potest
facere, prout vult, causâ tamen existente legitima, sed in Episcopis est
taxata secundum ordinationem Papæ.*

CON-

CONCLUSIONES

I.

EXtat in Ecclesia Thesaurus satisfactionum Christi & Sanctorum, qui applicari potest iis, quibus post culpam, restat pœna temporalis luenda in hac vel in altera vita. Hic Thesaurus seu Cumulus bonorum spiritualium existens in invisibilibus Mentis Divinæ Atrariis, & DEI acceptance, coalescit primariò ex infinitis Christi meritis & satisfactionibus, & deinde ex superfluentibus Sanctorum Omnium meritis atq; satisfactionibus.

ET certè non est ditior fundus, unde coalescere possit Thesaurus Ecclesiæ, quàm merita Christi, qui, teste Paulo. 2. Cor. 8. *Propter vos egenus factus est, cum esset dives, ut illius inopiâ, vos divites essetis.* Passio & labores Christi, non erant illi necessarii ad satisfactionem pro peccatis (utpote qui peccatum non fecit, nec facere potuit Cor. 5. & Hebr. 7.) & propter unionem ad Verbum erant infiniti valoris, hi autem dati sunt Ecclesiæ, ubiq; enim in Scripturis Christus dicitur nobis datus, & pro nobis passus. Ad hunc satisfactionum Thesaurum spectant

merita B. V. M. & SS. Unde Clem: VI. in *Extravag.* Unigenitus. De Pœnit. &c. *In Ara Crucis immolatus Salvator, non guttam Sanguinis modicam, quâ tamen propter unionem ad Verbum pro Redemptione totius generis humani suffecisset, sed copiosè velut quoddam profluvium nescitur effudisse --- Quantum ergo exinde, ut nec supervacanea, inanis, aut superflua tanta effusionis miseratio redderetur, Thesaurum militantis Ecclesiæ acquisivit --- Quem quidem Thesaurum non in sudario repositum, non in agro absconditum, sed per B. Petrû Cæli Clavigerum, ejusq; Successores, suos in terris Vicarios, commisit Fide-*

*Fidelibus salubriter dispensandū. Ad
cujus Thesauri cumulum Beata DEI
Genitricis, omnium Electorum à
primo Justo, usq; ad ultimum, me-
rita adminiculū prestare noscuntur.
De cujus consumptione seu minutione
non est aliquatenus formidandum,
tam propter infinita Christi merita,
quàm pro eo, quòd quantò plures
ex ejus applicatione trahuntur ad ju-
stitiam, tantò magis accrescit ipso-
rum cumulus meritorum. Constat
DEUM ex Sanctorum praeibus
moveri ad condonandas ipsis e-
tiam impiis poenas, quas pro-
meruere. Sic pepercit rebelli-
bus Israëlitis propter Moysen
Servum suum, ipsi Sodomæ par-
citurus, si decem in ea justos re-
perisset. Atq; ea erat intima pri-
mævæ Ecclesiæ fides, cum ad
Martyrum preces debitas lapsis
poenas moderabatur, ut scribit
S. Cypr: monetq; ne indiscrimi-
natim pro omnibus, sed pro iis
tantum *Indulgentiam* postularent,*

qui exemplò incæstuosi Corin-
thii poenitentiae fructus ederent.
Credo (ait Epist. 13.) *ut qui libel-
lu à Martyribus acceperant, &
auxiliò eorum adjuvari apud Domi-
num in delictis suis possint, si premi-
infirmirate aliqua, & periculò cape-
rint, Exomologesi facta, & manu eis
à vobis in poenitentiam imposita, cum
pace à Martyribus sibi promissa ad
Dominum remittantur. Quin & id
exigit, quæ à DEO instituta est
Communio Sanctorum. Per hanc
enim efficitur, ut membra se in-
vicem juvent, & quod ab uno
perficitur, ad alium quodam jure
pertineat. Ergo nihil est, cur
Sanctorum merita ab Ecclesiæ
Thesouro excludantur; est verò
cur in eodem dicantur asservari,
non ut quid essentiale, quasi abs-
quæ iis non sufficiant merita Chri-
sti; sed ut secundarium aliquid,
per quod DEUS Sanctos suos ho-
norari voluit.*

II.

Ecclesia accepit à Christo potestatem *Indulgen-
tias dispensandi ex Thesouro Ecclesiæ, ha-
rumq; usus à temporibus Apostolorū, usq; in hunc
diem sine ulla interruptione duravit & durat.
Hæc potestas conferendi Indulgentias primariò cō-
petit Summo Pontifici & per ipsum in Episcopos
derivatur.*

Patet

Patet hæc veritas ex verbis Christi Matth: 16. *Quodcumq; solveris super terram, erit solutum & in Cælis.* Hæc promissio est generalis, nec restringitur ad peccata, ut illa Joan: 20. *Quorum remiseritis peccata &c.* sed extenditur ad omnia vincula, quæ possunt homines impedire à consecutione salutis, ideoq; non solum ad absolutionem à peccatis, sed etiam ad absolutionem à Censuris, ad dispensationem in votis, & ad relaxationem poenarum temporalium &c. Quod autem ibi promittitur Petro, confertur Joan: 21. *Pasce oves meas.* Petrus itaq; constitutus supremus Pastor, Rector & Iudex Ecclesiæ potest vice Christi absolvere homines à peccatis applicando illis merita Christi per Sacramenta, & à poenis peccatorum extra Sacramenta applicando pariter illis satisfactiones Christi & Sanctorum. Ideo autem absolutio à peccatis non fit extra Sacramenta, quia peccatum mortale, non remittitur nisi per infusionem gratiæ, gratia verò non datur ministerio hominum nisi per Sacramenta, sed absolutio à poenis temporalibus non fit per infusionem gratiæ, sed eam supponit. Et cur Christus illi negasset potestatem remittendi poenam tem-

poralem, cui potestatem dedit remittendi quælibet gravissima peccata, iisque annexam poenam æternam? Hanc potestatem exercuit S. Paulus, remittendo poenam temporalem incæstoso illi 2. Cor. 2. Deinde post Apostolorum temporæ usus erat in Ecclesia, ut ad preces Martyrum, qui detinebantur in carceribus, vel aliàs, quando Episcopi id expedire judicabant, pars poenitentiae lapsis remitteretur, ut constat ex Tertull. L. ad Martyres post initium, ex S. Cypr. l. 3. Epist. 13. ex Concil. Nicæn. l. Can. 12. ex Concil. Ancyran. c. 5. & Laodicensi cap. 2. S. Greg. circa An. 600. *Indulgentias* in diebus Stationum concessit, ut testatur Altissiodoren. l. 4. Summæ Theol. & S. Tho: in 4. d. 20. q. 1. a. 13. Juxta Toletum in Summa l. 6. cap. 4. Catholicos omnes debere confiteri & asserere, circa Indulgentias, has tres veritates *Prima est, esse Theaurum infinitum satisfactionum Christi & Sanctorum in Ecclesia: Ita determinatur in Extravag. Unigenitus à Clem. VI. Secunda est, esse hanc potestatem in Ecclesia dispensandi membris suis hunc Theaurum. Hæc determinatur à Conc. Trid. Sess. 25. Tertia est,*
esse

esse utiles Indulgentias, & prodesse Fidelibus, qui convenienter eis utuntur. Ita determinatur à Conc. Lateranen. Viennen. &c.

Primi, qui Ecclesiæ potestatem concedendi Indulgentias negarunt, fuerunt Montanistæ & Novatiani. Testis est Tertulianus qui, *Libr. de Pudicitia*, quem factus Montanista conscripsit. *An tu (inquit) & in Martyres tuos effundis hanc potestatem? Sufficiat Martyri propria delicta purgasse --- Quis alienam mortem suâ solvit, nisi solus Filius Dei?* En Argumentum, quò moderni Hæretici Indulgentias tollere nituntur. Postea, nempe sæculo XII. Valdenses, sæculo XV. Wiclefistæ, & Hussitæ, bellum adversus Indulgentias instaurarunt. Acerimus tamen Indulgentiarum hostis fuit Lutherus, Annò 1517. Cùm enim Indulgentiarum promulgatio, quæ priùs sui Augustiniani Ordinis Fratribus committebatur, Fratribus Prædicatoribus concessa fuisset, hoc indignè ferens Lutherus, tanquam injuriam suo Ordini irrogatam; primùm in Indulgentiarum abusus varios declamare cæpit: & tandem ad earum substantiam, & valorem enervandum prorupit propo-

tionibus, quas Leo X. in sua adversus Lutherum Bulla proseripxit. — Idem Annò 1519. eodem ferè modo apud Helvetios contigit. Cùm enim quidam Franciscanus ejusdem Leonis autoritate, ad Indulgentias publicandas illuc missus esset: Zvinglius ea, quæ Franciscanus ille proferebat, impugnare cæpit: & tandem eò devenit, ut ipsas etiam Indulgentias, & eas ferendi potestatem ab Ecclesia abstulerit. Quam postea Calvinus funditus evertere disteris, calumniis & mendaciis tentavit; adeò ut error iste ab omnibus modernis Hæreticis adoptatus sit.

Ecclesiæ tamen Catholicæ perpetuam fidem recensitis erroribus contrariam tradit Concil. Trid. Sess. 25. *Cùm potestas ferendi Indulgentias à Christo Ecclesiæ concessa sit; atq; hujusmodi potestate Divinitus sibi tradita, antiquissimis etiam temporibus illa usa fuerit; Sacrosancta Synodus Indulgentiarum usum Christiano populo maxime salutarem, & Sacrorum Conciliorum auctoritate probatum in Ecclesia retinendum esse docet, & præcipit, eosq; anathemate damnat, qui aut inutiles esse asserunt, vel eas concedendi in Ecclesia potestatem esse negant &c.*

III.

Potestas largiendi Indulgentias, non est Ordinis, nec Ordinem prærequirit, sed est Jurisdictionis. Et ut Indulgentia sit valida & rata, hæc quatuor requiruntur: auctoritas in concedente, charitas in suscipiente, causa legitima, quæ sit scilicet ad honorem DEI & Ecclesiæ utilitatem, & adimpletio operis adjuncti.

Actus qui à Judice nonnisi in subditos exerceri potest, est de se actus Jurisdictionis. Atqui Indulgentia nonnisi in subditos exerceri potest; ut patet ex c. 4. de penit. & remiss. ubi consultus ALEXANDER III. *An Indulgentiæ quæ fiunt in Dedicat[i]onibus Ecclesiarum, aliis profint, quàm his qui remittentibus subsunt,* respondet non prodesse, eo quod à non suo Judice ligari nullus valeat, vel absolvi. Insuper potestas Ordinis respicit verum Corpus CHRISTI, nam ad hoc conficiendum hæc Potestas confertur. Concessio autem Indulgentiarum respicit Corpus CHRISTI Mysticum, videlicet Christi Fideles, qui sunt membra Capitis Christi Domini. Si itaq; potestas illa esset potestas Ordinis, posset

Sacerdos quilibet vi Ordinationis suæ conferre Indulgentias. Atqui nequidem potest Episcopus absq; Episcopatu reali consecratus: quia neuter vi Ordinationis solius quemquam ligare vel solvere potest. Cum nemo ex sola Ordinis potestate subditos habeat: nullus autem, nisi subditos solvere possit.

Quomodo ergo Papa, vel Episcopus faciens Indulgentias potest illarum particeps fieri, siquidem non possit in se ipsum exercere Jurisdictionem, ideoq; nec se absolvere? R. participem fieri Indulgentiæ, quam facit, non per modum absolutionis, sed solutionis, quatenus sibi applicat satisfactionem, quam aliis concedit, sicut qui dispensat bona communia, potest ex illis

B

suam

suam portionem sumere. Alii per Sacramentum, sed etiam dicunt, quòd possit concedere à pœna temporali per Indulgentiam, quod etiam verum est. suo Confessario facultatē ipsum absolvendi non solū à culpa

IV.

Indulgentia pœnam canonicam remittendo, consequenter verè coram DEO remittit pœnam Purgatorii: quo autem in gradu, soli DEO notum est, unum id scire refert, eò plus pœnæ remissum iri, quò major fuerit pœnitentis, aut Indulgentiam lucrantis devotio. Unde tritum: *Indulgentiæ tantum valent, quantum sonant, seu prædicantur; dummodo ex parte dantis sit auctoritas, & ex parte recipientis charitas, & ex parte causæ pietas, quæ comprehendit honorem Dei, & proximi utilitatē.*

Verba sunt S. Th. q. 25. Suppl. a. 2.

EX doctrina S. Th. colligitur. *Imò.* Ad valorem Indulgentiarum requiri in eo, qui eas concedit auctoritatem dispensandi Thesaurum Ecclesiæ ex Meritis Christi & Sanctorum, sicut in eo solo adest facultas dispensandi bona Communitatis, qui auctoritatem habet in Communitate. Deinde in eo, cui conceduntur, requiri unionem per charitatem cum illis, quorum merita dispensantur: sicut, ut aliquis gaudeat de Bonis

Communitatis, debet esse Communitati unitus. Et ideo qui est in peccato mortali, cum non sit unitus Christo, & Sanctis per charitatem, non est capax fruendi valore Indulgentiarum.

Colligitur 2dò. Quantitatem fructus Indulgentiarum correspondere quantitati meritorum Ecclesiæ, seu Christi, & Sanctorum; non quantitati devotionis, vel laboris ejus, qui recipit: quia Indulgentiæ mensurantur meritis, quæ dispensantur, non ejus, qui

qui eas fuscipit. Unde ibi ad 4. docet, quod si concedatur Indulgentia 7^{ptē} annorū ei, qui vadit ad aliquam Ecclesiam: *Ille, qui est vicinus Ecclesiæ & Ecclesiæ Sacerdotes, & Clerici consequuntur tantam Indulgentiam, sicut ille, qui veniret à mille dietis: quia remissio non proportionatur labori, sed meritis, quæ dispensantur: sed ille, qui plus laboraret, acquireret plus de merito, sed hoc intelligendum est, quando indistincte Indulgentia datur. Quandoq; enim distinguitur: sicut Papa in generalibus absolutionibus, illis, qui transeunt mare, dat quinque annos, aliis qui transeunt montes, tres, aliis unum.*

Colligitur 3^{tiō}. Ad valorem Indulgentiarum requiri causam justam & rationabilem ex parte concedentis, quæ cedat in honorem Dei & utilitatem Ecclesiæ. Quia talis fuit Intentio illorum, qui opera meritoria fecerunt, & quorum merita per Indulgentias dispensantur: qui autem secus faceret, non esset Dispensator fidelis; quia non dispensaret secundum Voluntatem Domini, & Thesaurum Ecclesiæ prodigè profunderet.

Causæ autem justæ Indulgentias ferendi 1^{mō}. sunt: Cau-

sæ Spirituales, ut Infidelium conversio, hæresum extirpatio, populi tum erga Sanctos, tum erga Sedem Apostolicam devotio, urgens Ecclesiæ necessitas, gloria Martyrum & meritorū eorundem commendatio. add. etiam causa temporalis, quatenus tamen ordinatur ad aliquid spirituale; quia tunc Indulgentiæ dantur pro illo spirituali, ad quod ordinantur. Sic Indulgentiæ conferuntur pro Basilicarū constructione, Monasterii, Xenodochii, vel in alimoniam pauperum, & euntibus ad bellum contra Infideles. Ita S. Th. citatā. q. 25. Suppl. a. 3. ubi ad 1. docet: quod *Non fit ibi Simonia: quia non datur pro temporali, sed pro spirituali.*

Quantum ad illud, quod in parte 1^{ma} hujus Conclusionis asseritur, videlicet: *Indulgentia remittendo penam canonicam, verè & coram DEO remittit penam Purgatorii*: Certum est, quia condonatio, quam incæstuofo fecit Apostolus 2. Corinth. 2. non minus efficax fuit, quàm si à Christo ipso facta esset: cum facta sit Christi autoritate, seu in Persona Christi. Condonatio autem à Christo ipso facta, in foro

DEI rata est & efficax. *Tan-*
dem profunt Defunctis Indulgentiæ, ut ex Conclusionē V. patet, non profunt verò eis, nisi quò ad solutionem pœnæ in foro DEI debitæ. Tum ex Sixto IV. qui in Constitut: *Licet ea*, proscripsit istam Petri Oxoniensis Thesim. *Romanus Pontifex Purgatorii pœnam remittere non potest.* Tum ex Leone X. qui hunc Lutheri Articulum n. 14. perstrinxit. *Indulgentia his, qui eas veraciter consequuntur, non valent ad remissionem pœnæ pro peccatis actualibus debitæ apud Justitiam Divinam.*

2da. pars Conclusionis probatur contra eos, qui tot Purgatorii dies vel annos per Indul-

gentiam remitti censent, quot in Bulla Indulgentiæ exprimuntur. Probatur, inquam; Indulgentia Quadragenæ eas solum pœnas remittit, quarum quis obtinuisset remissionem, canonicam per dies 40. pœnitentiam obeundo. Atqui prorsus incertum est, an per pœnitentiam hanc obtinuisset remissionem pœnæ in Purgatorio per dies 40. subeundæ. Nec dubium est, quin è duobus, qui æquè rei eandem pœnitentiam præstant, multò plus veniæ obtineat, qui hanc jugi studiò decurrit, quàm qui segniter exequitur. Ergo *inscrutabilis judicii est, definire* quoto in gradu operètur Indulgentia,

V.

Indulgentiæ viventibus applicantur per modum *Solutionis* simul & *Absolutionis* judiciariæ, Defunctis autem per modum meræ *Solutionis*, sive per modum *Suffragii*, si in *Forma* earum dicatur, ipsas etiam *Defunctis* applicari posse.

Indulgentiæ viventibus applicantur per modum *Absolutionis* judiciariæ, quando Ecclesia virtute Clavium immediatè & moraliter Fidelibus sibi actu subditis, applicat Christi satis-

factiones, quibûs solvant pœnas temporales pro peccatis suis debitas. Contrà verò Indulgentiæ applicantur per modum *suffragii*, & *solutionis* meræ, quando Ecclesia satisfactiones Christi

ex

ex Thesauro suo virtute Claviū
extractas, offert DEO in satis-
factionem poenarum justitiæ Di-
vinæ debitarum, pro illis, qui
non amplius subjacent jurisdi-
ctioni ipsius. Unde Pontifex quò
ad vivos se habet instar Viri,
qui debitoribus in proprio ejus-
dem carcere inclusis dat in ma-
nu pecuniam, unde se redimant:
quò ad Defunctos verò, instar
Viri, qui extraneos in alieno
carcere inclusos juvare volens,
nec suam ad eos pecuniam im-
mediatè transferre valens, quia
id non sinunt leges loci, ean-
dem hujus carceris Domino of-
fert, ut eos ab ergastulo mise-
ricorditer eruere dignetur. *In-
dulgentia* itaq; quæ conceditur
vivis, est *Absolutio*, non nudè,
sed cum *solutione* conjuncta. Ita
S. Th. q. 25. Suppl. 2. 1. ad 2.
*Ille qui Indulgentias suscipit, non
absolvitur simpliciter loquendo à de-
bito poenæ; sed datur ei, unde debi-
tum solvat.* Et ad 3. *Faciens* (in-
quit) *Indulgentias poenam pro eo,
quod debuit, solvit de bonis Ecclesiæ
communibus.* Quod re vera fit
Absolutio constare videtur. Tum
ex ipsa voce *Indulgentiæ*, quæ
significat *relaxationem, remissionē,
& condonationem*, quo sensu di-

citur à Paulo *Donatio* 2. ad Co-
rint. 2. Tum quia si non esset
Absolutio, non requireret in con-
ferente ullam jurisdictionem,
proinde nil obstaret, quin Epi-
scopus Indulgentias, etiam iis
qui sibi subditi non sunt, con-
ferret; quod tamen repugnat
Alexand. III. Decreto Cap: *Quòd
autem de Penit. & remis.*

Quòd verò Indulgentia non
sit nuda *Absolutio*, sed cum *solu-
tione* conjuncta, patet ex S. Th.
suprà laudato. Quia qui sic ab-
solvit, hoc facit solvendo debi-
tum poenæ ex bonis Ecclesiæ
communibus. Non enim id fa-
cit, ut absolutus Dominus pro-
prio arbitrio poenas condonans;
sed ut Judex, qui potestate sibi
tradita reum quidem absolvit;
sed ita ut Divinæ justitiæ satis-
fiat per applicationem merito-
rum Christi & Sanctorum: & sic
compensetur debitum; quod de
proprioolvere tenebatur.

Ut ergo Indulgentiæ vivis
applicentur per modum *solutio-
nis* simul & *absolutionis* juridicæ;
duo sufficiunt, *primum*, ut Ec-
clesia Indulgentias largiendo,
solvat debita Fidelium, quibus
eædem applicantur: *secundum* ut
debita hæc non solvat simpli-
citer

citer, sed solvat, subditos suos
juridicè absolvendo. Porro imò
Ecclesia per Indulgentias solvit
Fidelium suorum debita. Quæ
enim in locum satisfactionis à
Fidelibus debitæ offert infinitas
Christi ipsius satisfactiones,
hæc utique non gratis relaxat
debita suorum, sed abundantis-
simè persolvit. Ecclesia enim in
dispensatione Thesauri sibi com-
missi non se habet ut Domina,
quæ pro arbitrio absolvat; sed
ut Judex Christi Judicis Personā
gerens. Atqui Judex quā talis de-
bet justitiæ jurā fervare illæsa.
Ergo quod una ex parte dimit-
tit, ex alia compensare debet,
solvendo ad minus æquivalenter.

Præterea Ecclesia Fidelium
debita solvit absolvendo. imò.
quia potestas Ecclesiæ quantum
ad Indulgentias hīs nititur Chri-
sti verbis: *Quicumq; solveritis su-
per terram, erunt soluta & in Cælis.*
Atqui verba hæc juridicam abso-
lutionem important. Unde Mar-
tinus V. plenariam Indulgentiā
tribuens in Concilio Constanti-
ensi, dicit se *Absolutionem ple-
nariam* concedere. Tum quia
Indulgentia vivis concessa non
valet, nisi concedatur subditis,
igitur requirit, ut concedens in

eos, quibus concedit, jurisdictio-
nem habeat. Porro jurisdictio
hæc non est necessaria, nisi ad
absolvendum juridicè. Tum,
quia Indulgentiæ eo distinguun-
tur à Suffragiis, quod hæc pri-
vatā autoritate fieri possint,
non illæ. Ergo Indulgentiæ vi-
vis concessæ, sunt *Absolutiones*.

Ad Absolutionem requiritur
jurisdictio, in eum qui absolvit-
ur. Atqui Ecclesia nullam ha-
bet jurisditionem in Defunctos,
ut qui jam solius DEI Foro sub-
jaceant. Hinc Summ. Pontifex
non habet ampliùs judiciariam
potestatem in Defunctos. cap. *Legat-
ur* & cap. *Nec quisquam* 24. q. 2.
unde non potest citare Defunctos,
eorum causas cognoscere, nec
eos cogere ad obediendum. *Item*
non habet potestatem judiciariā,
nisi in oves, quas in persona Pe-
tri suscepit pascendas *Joan. 21.*
Defuncti autem non possunt am-
pliùs pasci à Summo Pontifice.
Unde Sum. Pontifices, cū ex-
tendunt Indulgentias ad Defun-
ctos, semper apponunt particu-
lam: *per modum Suffragii*. Pro-
inde concluditur Indulgentias
Defunctis non applicari, nec
prodesse per modum *Absolutionis*
judiciariæ, sed per modum obla-

tæ *Solutionis*, seu, ut communi-
ter dicitur, *per modum Suffragii*.
Sed

Dices imò. Ecclesia mor-
tuos aliquando excommunicat,
aliquando solvit ab Excommu-
nicatione. 2dò. Axioma juris
habet, delinquentem sortiri Fo-
rum ratione delicti; cum ergo
mortui peccaverint, dum hic
essent, poterunt hic absolvi.
3tò. Mortui in Purgatorio de-
tenti, adhuc sunt Viatores per
fidem ambulantes; omnes autem
Viatores fideles subsunt Ponti-
fici. R. ad 1mū. neg: Ant. Quia
Ecclesia, aut Pontifex, nec ex-
communicat, nec ab Excommu-
nicatione propriè absolvit mor-
tuos; sed declarat, quæ senten-
tia in eos ferri potuisset, dum
viverent: & in hoc sensu prohi-
bet, aut permittit Fidelibus,
ut pro illis orent, aut Sacrifi-
cia offerre possint, aut eos se-
pulturā donare. Unde Ecclesia
nec mortuos ferire Censuris,
nec ab iis solvere directè, & quò
ad ipsos, sed quò ad viventes,
quibus declarat, vel errore fa-
cti damnatum fuisse innocentē,
vel eodem errore absolutum reū.
R. ad 2dum. Mortui declarari
possunt, hinc discessisse vel abso-

luti, vel ligati; non verò possunt
mortem propriè ligari, vel absol-
vi. R. ad 3tium, In Purgatorio
detentos, ut docet S. Th. in 4.
dist. 45. a. 1. non esse simpliciter
in statu viæ, sed quantum ad ali-
quid adhuc esse in via; quatenus
nondum sunt consecuti termi-
num retributionis æternæ. Non
sunt tamen simpliciter in statu
viæ; quianec possunt transmutari
secundum statum felicitatis, &
miseriæ, nec progredi merendo,
aut demerendo; quales debent
esse Viatores, qui jurisdictioni
Pontificis subjiuntur.

Cum itaq; solùm duplex sit
modus *Indulgentias* ferendi, sci-
licet per modum *Absolutionis*, &
Suffragii, seu *Solutionis*, si priori
modò *Indulgentias Defunctis* Pon-
tifices non concedunt; sequitur,
ut eas concedant posteriori modò:
nimirum, ut *Indulgentia* perve-
niat ad Defunctos, non per viam
justitiæ, sed gratuitæ, ac miseri-
cordis DEI acceptationis, quā
merita CHRISTI, & SANCTORUM,
in eorum satisfactionem oblata
velit acceptare. De quo egregiè
Cajet. *Tract. 16. de Indulgentiis*
q. 5. videndus.

Cæterum, ut supra tetigi, ex
his non est inferendum, Ecclesiā

&

& Pontificem in conferendis Indulgentiis non uti potestate *Clavium*, contrarium enim fert *stylus*, quò Indulgentiarum *Bulle*, sive pro vivis, sive pro defunctis loquuntur. In eis enim duo exprimuntur. Et quod autoritate Apostolica concedantur pro Defunctis; & quò eadem Indulgentie illis per modum *Suffragii* opitulentur. Per primum indicatur, Pontificem auctoritative procedere, nimirum potestate *Clavium* accedendo Ecclesie *Thesaurum*; & ex eo communia merita depromendo in satisfactione pro poenis debitis, sive pro vivis, sive defunctis. Per secundum verò indicatur, quò ad poenas defunctis relaxandas, se non auctoritative, & absolvendo procedere; sed Indulgentiam per modum *Suffragii* transferendo, seu offerendo *Solutionem*, quà DEUS illos à poena absolvat. Quod estò DEUS id ex iustitia præstare non teneatur, cum ad hoc nulla promissione se obligaverit: ea tamen acceptatione posita rectè dicitur intervenire iustitiam, cum per satisfactiones de *Thesauo* Ecclesie oblatas, iusta fiat poenarum compensatio.

Indulgentias Fidelibus Ecclesie militantis per charitatem Christo conjunctis applicari posse, cum & earum capaces sint, & Ecclesie Jurisdictioni subsint, constat evidenter. Tota igitur difficultas est de Fidelibus Defunctis. Quam resolvit S. Augustinus

Epistola 54. Quod tota per orbem frequentat Ecclesia, quin ita faciendum sit, disputare insolentissima audacie est. Atqui tota per Orbem Ecclesia Indulgentiarum mortuis applicationem frequentat; ut liquet ex pluribus Sixti IV. Pii II. Paschalis I. Innocen: VIII. & aliorum Pontificum Decretis. Sentiant SS. PP. Neque enim ait Aug. L. 20. de Civ. Dei c. 9. *piarum animarum defunctorum ab Ecclesia separantur*. Cur enim pro eis ista fiunt? seu offeruntur Sacrificia, nisi quia *Fideles*, etiam defuncti, ejus membra sunt. Non est igitur aliqua ratio ait S. Th. quare Ecclesia possit transferre communia merita, quibus Indulgentie inniuntur, in vivos & non in mortuos.

Nomine *Suffragii* intelligitur subsidium Ecclesiasticum, quod conferri potest, aut merendo per opera, aut impetrando per Orationes, aut satisfaciendo per tolerantiam adversitatis.

Dixi *Si in Forma earum* &c. quia licet Fidelis quilibet possit opus proprium offerre DEO per modum *Suffragii* impetratorii etiam pro Defunctis, & sic pro illis satisfacere; nemo tamen Indulgentiam aliis applicare potest autoritate propria, sed tantum ex intentione concedentis; quia privatus nemo dispensator est satisfactionum Christi & Sanctorum, sed is solum cui *Thesauri* communis dispensatio specialiter commissa est; videlicet Summus Pontifex.

Annò Sanctò JUBILÆI UNIVERSALIS
M. DCC. LXXV.
Pontificatûs Ssmi D. N. PII VI. Annò Primò.

Permissu Magnifici Domini Rectoris.

140:

Biblioteka Jagiellońska



stat0026627

